

存蕪集

洛溪遊子

目錄

五言古詩.....	一四
述志.....	一四
古風次太白韻.....	一四
昨夜雪爛漫.....	一四
伊州大雪.....	一四
擬古行行復行行.....	一五
擬古明月何皎皎.....	一五
七言古詩.....	一六
普陀觀日出有感.....	一六
五言絕句.....	一七
佳人.....	一七
重讀《萬葉集》有感.....	一七
病中作.....	一七
井蛙三章.....	一七
2013 年美國國慶.....	一七
看山.....	一八
孤禾.....	一八
中元夜思.....	一八
遠行示人.....	一八
別兒.....	一八
新歲作.....	一八
希臘問路四則.....	一九
于某論壇拾得舊作，錄諸詩集，因戲作.....	一九
寒山体三首.....	一九
憶父.....	二〇

初春	二〇
哀海魚	二〇
秋日絕句四首	二〇
六言絕句	二一
闕題	二一
客居紐約 次韻荊公題西太一宮壁	二一
八有	二一
七言絕句	二二
八尺男兒	二二
詠 911	二二
躍馬狂歌	二二
詠唐詩大家	二二
海中登山乃作四藝歌	二二
人日梅開客至作詩一首	二二
詠李杜	二三
因釣魚島書事	二三
月下作	二三
嘆李斯	二三
黑窑	二三
詠影帝	二三
江郎浮海歌	二三
颱風過後歸紐約陋室有感	二四
書事十二首	二四
回鄉偶書二首	二五
綠叶	二五
耶魯露天音樂節听吳蠻彈琵琶及唱歌	二五
錦衣	二五
桃人	二六

毕业十五年后乔州逢曹君又送别之西雅图	二六
船家四首	二六
伤心	二六
康州六月三首	二六
红头纸片	二七
戏作同性婚姻	二七
口占一绝	二七
转世潘安昭告天下剩女书	二七
中兴	二七
归乡	二七
偶访皇都三首	二七
相思	二八
官场现形记	二八
咏烟柱群并赠人	二八
月饼二首	二八
因窥诗示妻	二八
这就是美国二首	二九
憶江南一组	二九
甲午杂诗	三〇
不谙书法自嘲	三〇
国诗赛后寄友	三一
诗赛	三一
感雪二章	三一
诗社林立互相攻讦有感	三一
读《报任安书》有感	三二
邻树开花	三二
读某些诗赛作品随感	三二
小儿一周岁作示儿两首	三二

卖材	三二
石景山观树寓意	三三
咏清代诗人五首	三三
康州二月读《戏答元珍》戏作	三三
纽约逢大雪	三四
自嘲中年增肥	三四
嘲人中年发福	三四
邻松夜折寓意	三四
回国见闻录几则	三四
圣诞节前天上班	三五
咏雷三章	三五
有感	三六
瀑布	三六
初中诸君开同窗会因作	三六
有感于 DrexelHamilton 股票分析公司	三六
时事有感三则	三六
告故人	三七
忽得初中班主任电邮有感	三七
五言律詩	三八
夜宿擬古	三八
壬辰七夕	三八
八月	三八
壬辰白露	三八
九月	三九
壬辰重陽	三九
桃花	三九
癡心	三九
釣魚臺	三九

夏日北卡州山中漂流.....	四〇
夫子華誕日作詩而嘆之.....	四〇
桂月寄人.....	四〇
羈泊紐約詠懷.....	四〇
歧路.....	四〇
危路.....	四〇
壬辰寒露懷友.....	四一
剝王維.....	四一
登樓賦集字十首.....	四一
胡锦涛全退而書事.....	四二
陋室吟.....	四三
赴美十七周年作.....	四三
夢遊廣寒.....	四三
赴美十七周年自題.....	四三
哀良馬.....	四三
癸巳端午節於紐黑文作.....	四三
訪舊.....	四四
詠石.....	四四
踏山見一橙色樹于眾綠之中感而賦詩.....	四四
地鐵五味.....	四四
曼哈頓島晤故人沈君并送別.....	四四
裸官.....	四五
油歌.....	四五
獨步紐約中央公園.....	四五
客中自題.....	四五
秋游落基山國家公園.....	四五
懶覺寓嘆.....	四六
康州寒舍寫興.....	四六

送学生归国	四六
书归有怀	四六
讀《悲憤詩》有感	四六
甲午七夕感作	四七
耶鲁大学 Phelps 门前晤别高中班主任王老师之波士顿	四七
周获鲁奖有感二首	四七
有蜨	四七
有鳶	四七
赠韩国同事殷教授	四八
赴美第十八个圣诞夜回康州火车中作	四八
梦后作	四八
赠某学弟	四八
2015 年年首自题	四九
思张益唐事感作	四九
忆同学中弃家室及博士学位而出家者	四九
与博士生时同学曹张二君宴于时代广场	四九
戏同事喻君娶钢琴老师	五〇
康州寒舍写兴其一	五〇
醉意	五〇
有鰐	五〇
股市被套牢因作	五〇
秋叶	五一
游 Hammonasset 海滩州立公园	五一
客中秋雨有怀	五一
夜读贾岛《送别》	五一
得故人书	五一
周一六时未至起赴纽约上班火车中作	五二
六言律詩	五三

心鬼.....	五三
七言律詩.....	五四
春意.....	五四
次長征韻二首.....	五四
壬辰國難日懷岳武穆王.....	五四
壬辰中秋夜詠懷.....	五四
華爾街.....	五五
曼哈頓島.....	五五
遊聖胡安原始雨林.....	五五
一千三百年華誕詠杜工部.....	五五
和紅塵邊上客《壬辰仲秋山居有賦》.....	五六
壬辰中秋夜紐黑文遙思故里海寧潮詠懷.....	五六
壬辰初度歌.....	五六
詠韋應物.....	五六
自嘲詩.....	五六
詠謫仙人.....	五七
詠李長吉.....	五七
登高.....	五七
譏王維.....	五八
詠王之渙.....	五八
感恩节賦得.....	五八
戏韩愈.....	五八
忆大学生涯.....	五八
忆童年.....	五八
自纽约之纽黑文列车中逢雨戏作.....	五九
文凭.....	五九
佚題.....	五九
元凶.....	五九

天问	五九
血同源	六〇
造诗记	六〇
劫	六〇
适芝加哥迎江郎访美	六〇
露水	六〇
四外当于汉语强	六〇
鑒湖女俠颂	六一
读史	六一
赠某论坛评诗达人	六一
癸巳处暑自题	六一
咏贾长江	六一
梧桐	六二
剥纪昀	六二
也说诗赛	六二
登纽黑文 East Rock 望海有感两首	六二
贪官与民工两首用同韵	六三
发表科研论文有感	六三
酬红尘边上客《临屏赠羁旅纽约 M 君》	六三
三江歌	六三
挈灯人 一向叶嘉莹老师致敬	六三
忆高中生涯	六四
补作癸巳初度歌	六四
此女	六四
夜望星空	六四
老父种菜除害二首	六五
学诗二首	六五
憶恩師	六五

治国数字歌	六六
登高感秋	六六
补作游圆明园	六六
感舊	六六
重感舊	六六
再感舊	六七
訪官寺两首	六七
煤山词	六七
甲午立秋作	六七
读杜老《秋興八首》有感	六七
讀國詩賽行卷贈扁舟詩友	六八
讀國詩賽行卷戲贈羅衷美	六八
讀國詩賽行卷戲贈顧青翎	六八
讀國詩賽行卷戲贈韋散木兄	六八
憶幼時與父並肩搖櫓夜行作	六八
風花雪月四章•風	六九
恭祝 52 诗友新春快乐	六九
康州冬日杂咏	六九
甲午不惑年初度歌	六九
删诗戏作	六九
美女效万楚体	七〇
于纽约大学代课	七〇
偶作	七〇
代妻	七〇
有感中国近现代历史	七〇
语纽约	七一
金正恩	七一
吊黄公公度	七一

于纽黑文过年	七一
小儿十四个月学步	七一
元宵节父生辰日于纽约逢雪	七二
重读杨宪益《银翘集》	七二
《重读聂绀弩》	七二
唐太宗	七二
九一八周年随感	七二
乙未中秋感作	七三
二十余年后于纽约邂逅 W 君有感	七三
十三覃歌之炒股秘诀	七三
耶鲁大学博物馆内见商周瑚簋	七三
五言排律	七四
登希腊邁泰奧拉有感	七四
遊大提頓國家公園賦得十二韻	七四
忆新疆姑娘	七四
賦得我輩復登臨得臨字五言六韻	七五
紉秋蘭以為佩	七五
樂府	七六
獨不見	七六
遊子吟 男兒志四方	七六
子夜吳歌四首	七六
日居月諸	七六
善哉行八解 來日大難 其一 不得其死	七七
善哉行八解 來日大難 其二 不得其時	七七
善哉行 古道有高槐	七七
詞曲	七八
【踏莎行】客居纽约	七八
【西江月】紅葉	七八
【南呂·四塊玉】春來	七八

【滿江紅】喜聞遼寧號服役.....	七九
【紅情】紅情賦紅蓮.....	七九
【臨江仙】反貪有感.....	七九
【浣溪沙】不惑年生日戲作.....	七九
【中呂·朝天子】曲苑小插曲.....	八〇
【雙調·折桂令】時光.....	八〇
【中呂·上小樓】山上苗.....	八〇
【中呂·山坡羊】三國尾聲嘆.....	八〇
【雙調·水仙子】紐約春節上班.....	八一
【雙調·落梅風】約人.....	八一

五言古詩

述志

我本洛溪人，不守先祖地。區區晚學子，賦詩無所忌。乏墨強舉筆，自愧徒有字。百代書略觀，何能抒我意？眾生噪噪西，我志豈逐利？飄蕩行天下，玄卷深山致。神人幽谷遇，啓我此中秘。何當御長風，搏空展鯢翅。熱我炎黃血，一為開民智。眾心皆堯舜，治世不設吏。宇內待清一，退與群童戲。獨舟東海浪，三島尋幽異。

古風次太白韻

小騷久不作，吾衰竟誰陳。情途委蔓草，身事多荆榛。男女欲啖食，慘狀逮狂秦。鵲橋血茫茫，何處覓佳人？擲石生黑波，愴然恨無垠。離合總萬變，操行亦皆淪。無懼獨孤來，美帥豈足珍？人心久不古，礪石難歸真。淚落似雨泄，心痛如拔鱗。文質何時煥？重雲遮秋旻。怨念常自述，柳暗不見春。三十身不立，萬古同悲麟。

昨夜雪爛漫

昨夜雪爛漫，地凍天又寒。遊子懷苦思，惻愴不能安。零落數十載，未嘗添衣冠。顧思富家子，榮光一何歡。有錢能倜儻，無錢越冬難。

伊州大雪

域外雪若席，宇宙鴻濛間。瞬息絕草木，未已覆遠山。茫茫只一片，造化何空然。凜冽朔氣白，悻悻老雀寒。眾犬吠不住，異客自慘顏，零落似轉蓬，欲去不擇年。一世一劫簸，我願悟塵凡。跣足大塊上，散髮詠江南。

擬古行行復行行

行行復行行，道途阻且塞。冬陽日以微，遊子日以惻。孤雀寒冰裏，十振不展翼。
中路鳴失偶，聞者皆嘆息。戰戰復兢兢，常恐鷹隼得。低頭思所遭，淒惶意何極。
萬物皆天設，我獨陷荆棘。別離何咄咄，如此嚴相逼！

擬古明月何皎皎

明月何皎皎，照我中庭樹。紅豆兩三枝，今晨春早度。忽聞雙鳥啼，低首不能顧。
卻念足邊草，依依情似故。務乘韶景歸，莫逐功名誤。

七言古詩

普陀觀日出有感

海闊天空海鳥飛，佛山風光收眼底。一派蒼翠托紅日，數聲漁笛碎凝碧。但恨茅屋風中抖，我見金沙心不喜。菩薩高坐享香火，豈管草棚農人泣？

注：

一 一九八六年，時小學五年級作。

五言絕句

佳人

青山白雲裏，紅袖翠樓旁。風起香鬟亂，花飛玉臂揚。

重讀《萬葉集》有感

洋洋幾萬行，半數詠天皇。韻味渾無迹，論詩確屬唐。

病中作

臥病不悲歌，浮生有幾何？身過昌谷壽，詩比放翁多。

井蛙三章

美玉落荒井，俯聽無一聲。長吁方欲去，鼓噪亂蛙鳴。

連雨沒深井，井蛙枝上鳴。不鳴天地闊，只嘆幾時晴

一統信非夸，自由正可家。雖知天地廣，井外有官蛙。

2013 年美國國慶

兼天聞爆竹，竟夜見烟花。管是遊人醉，不知夷與華。

看山

自別江南去，春遊只看山。生來雖愛水，見水憶鄉關。

孤禾

孤禾阡陌上，飲露自蔥蔥。今日耘鋤死，只緣生草中。

中元夜思

中元人不寐，山上望初秋。時見雲邊月，團光海盡頭。

遠行示人

2014/12/26

此去莫悲遠，無非四海中。今朝不分別，何處得重逢！

別兒

2014/12/29

我欲負囊去，稚兒匍匐追。仰頭揮小手，憨笑未知悲。

新歲作

2015/1/1

男兒未酬志，慷慨不低眉。拔劍向天地，舍予其復誰？

希臘問路四則

2015/1/2

雅典城中心步行問路得告

“此去路非艱，唯須拐十彎。郎君宜小慎，左右雜其間。”

自雅典驅車往格林斯，許久未至，乃出高速於一小鎮問餘程幾何
老嫗殷勤算，言須兩小時。驅車未一刻，已入格林斯。

自 Delphi 往 Karanbaka 途中誤入民舍，問路於澆花大爺但言語不通
大爺光上身，不語笑容親。早料之何處，畫圖圈要津。

歸雅典車中問路遇當地華裔少女

觀彼覺華裔，他鄉訝且欣。相詢尚英語，指點已中文。

於某論壇拾得舊作，錄諸詩集，因戲作

2015/1/10

神遊攜手去，興盡忘君歸。重聚莫垂淚，良辰再共飛。

寒山體三首

2015/1/25

元寶皆稱銀，竈灰都道黑。請君稍比量，原是相同色。

權錢名與色，都願挂心頭。長見心頭肉，轉成身上癩。

古賢遺至言，哀莫甚心死。君問秦城人，皆云不得已。

憶父

2015/1/31

撒網木排下，停竿水草間。兩人相伴坐，風雨不須還。

初春

輕黃未著枝，濃紫已堪期。欲覓東君迹，請聽前澗澌。

哀海魚

2015/9/30

近日見人垂釣海邊，因作寒山體一首

早逐白湍流，曾經北海遊。逍遙三萬里，止在一纖鉤。

秋日絕句四首

2015/10/1

歸鳥絕長空，天垠一處紅。秋來無限意，盡在暮雲中。

寒宵雨瀝瀝，時緩時悲激。晨起視梧桐，猶將清淚滴。

鄉遠暮雲垂，中心悲復悲。秋風最生恨，卷葉入書帷。

客思正淒淒，蟲聲斷且低。如何幽怨意，偏向恨人啼？

六言絕句

闕題

熟看晚雨成畫，乍聽秋風作詩。歲歲年年老去，當中苦味誰知？

客居紐約 次韻荆公題西太一宮壁

夢中猶記吳地，晚晚霞飛海西。誰解書生意氣？笑看紙醉金迷。

八有

有佞有賢舊識，有真有假山盟。有生有死心路，有淚有歡客程。

七言絕句

八尺男兒

八尺男兒志守邊，金戈鐵馬草中眠。九州安泰心頭計，一把龍泉枕上懸。

詠 911

船堅炮利黑金流，機毀樓亡死士囚。船炮難平天下怒，一私中飽萬家愁。

躍馬狂歌

躍馬狂歌一快鞭，一鞭去國廿餘年。當年叱吒凌雲志，半作鄉愁半作煙。

詠唐詩大家

天造青蓮萬世驚，高山仰止大江橫。柳韓杜白齊清秀，不剩風情眾艷爭。

海中登山乃作四藝歌

旭日垂光山作畫，春風解凍澗彈琴。沉兼海島如棋布，雲作狂書悅我心。

人日梅開客至作詩一首

九曲紅梅著綠苔，天寒地凍喜顏開。花枝不恨新年盡，香馥還招舊友來。

詠李杜

日月相逢信有神，詩情俊逸性情真。艱難苦恨一杯去，攜手同遊羨殺人。

因釣魚島書事

漢姬夜夜泣胡天，胡馬年年踏漢川。不用和親用飛將，匈奴早遁暮雲邊。

月下作

遠阜含煙弄薄陰，清商鳴葉別空林。玉鉤不解相思苦，懸盡人間蕩子心。

嘆李斯

苟奸殺友更焚書，小事齊賢大事愚。撫犬長吟腰斬日，可曾片刻憶扶蘇？

黑窑

心中碩鼠舞翩跹，道德仍能挂嘴邊。上百民工生死裏，斯人猶在數銅錢。

詠影帝

無限柔情慣弄悲，人前立可淚垂垂。東方只識滑稽事，天下顰眉舍我誰？

江郎浮海歌

暢浮死海逸思多，大腹渾圓積幾何？三百禁軍沿岸列，碧波深處看皇哥。

颱風過後歸紐約陋室有感

三萬六千纔幾時，明朝氣絕復誰知？問君十載今何有？四堵空牆一個癡！

書事十二首

內遷

此去京門屬內遷，春風赫赫馬翩翩。遼城弱稚來歡送，各賞薄家三百錢。

铁鸡

汶川国难断人肠，华夏同胞竞解囊。外企一毛迟不拔，薄郎斥责网民忙。

薄郎怨君

王孫既作封疆吏，翹首搖臀求帝至。秋水望穿一騎來，谁知竟是周常侍。

薄郎怨妇

胯下風流意自傷，王妃抱鴨正顛狂。忽思金谷綠珠事，卻悟名門不及娼。

雄名

山雨欲來心自閑，紅歌玩罷玩紅顏。王孫胯下豈凡物，但取雄名在世間。

上邪曲

平西府內狗張狂，月滿羅裳血滿牀。莫嘆今宵真戲劇，須知後事更荒唐。

詠平西王妃

聖代奇觀自絕倫，王妃夜半戮夷人。若非番犬騫牆事，猶是炊金戴玉身。

詠平西王

紅顏朱檻舊曾諳，今日縲囚作笑談。我告鍾馗休得意，尙餘妖孽在中南。

詠平西王府

玉樓粉壁燦如銀，賈去娼來笑語頻。後苑不知人已棄，浮花空發葉徒新。

哀元帥

帝後夭殤幾人泣，權豪多子萬民悲。莫如元帥絕宗嗣，尙得清名代代垂。

哀王孫

無限春光笑靨開，呼風喚雨逞奸才。一朝失計為囚去，十惡滔天接踵來。

除惡

紅歌綠舞賽瓊臺，露水鴛鴦去復來。除惡何須往重慶，薄家大院向陽開。

回鄉偶書二首

未及病橋迎病孩，削葭作笛發音哀。舊時不待吹三哨，狂叫群童卷地來。

老槐舊夢互紆縈，月照秋蟬戰戰鳴。遠客昨來今即去，青兜亦沒不須驚。

綠葉

鬱鬱山尖作小叢，無蜂無蝶也融融，但求自在四時綠，不羨金瓶一夜紅。

耶魯露天音樂節聽吳蠻彈琵琶及唱歌

葡萄嫋酪沐斜陽，美酒一樽青草香。最是吳蠻歌與曲，教人陶醉欲癡狂。

錦衣

人道有情天亦老，自知無的水空流。可憐為客十餘載，未得錦衣先得愁。

桃人

明知归去易存身，客里一春还一春。汜滥无休终不悔，管他土偶胜桃人。

毕业十五年后乔州逢曹君又送别之西雅图

四月乔州春正浓，花红柳绿一重重。此情此景君须记，他日他乡难再逢。

船家四首

一叶乌篷万里家，夫妻合力走天涯。天涯处处有流水，长伴身旁共岁华。

曲榰曲舟行曲水，斜风斜雨过斜桥。前村路转酒旗现，粗计应无一里遥。

日丽风和细柳斜，停船上岸问人家。将鱼换得油盐醋，捋袖正烹新捕虾。

潮平岸阔万灯明，风正帆悬一叶轻。莫道船中天地小，五湖四海任吾行。

伤心

父母居家长远游，更兼骨肉在他州。伤心心事伤心处，稍不留心心上头。

康州六月三首

六月离怀最不堪，康州无故学江南。江花脉脉红于火，江水依依绿似蓝。

风摇最合卧芳菲，万里羁怀转瞬挥。久看白云浑不动，青山共我向东飞。

六月康州最是春，百般吟咏不如真。青山碧水仍相爱，万里酬诗第一人。

红头纸片

假油假药假牛奶，真法真官真横财。东亚病夫如厕去，红头纸片作何来？

戏作同性婚姻

山河早已不沧桑，社会变迁来日长。子美甘为樊哙妇，谁云无奶定非娘。

口占一绝

萱草难知岁月移，珠帘犹记怅然时。晨来困倦无聊赖，闲步小园吟旧诗。

转世潘安昭告天下剩女书

万般只是朱颜改，前世潘郎去又来。借问天涯长剩女，如今几个爱文才？

中兴

唐尧虞舜今难考，商纣周幽古有凭。稼穡从来为下作，诛屠总道是中兴。

归乡

世间皆道归乡好，归得家乡又若何。独立桥头人不识，空叹落叶逐寒波。

偶访皇都三首

久处陋夷身自卑，皇都更浪子无为。出门囫囵恐遭问，我爸李刚君又谁？

世袭民工穷巷泣，天生官贾众姝随。朱楼堪咏阿房赋，粉壁催思大铁锥。

碑石巍峨志逝贤，鞠躬致敬背朝天。忽闻身后声凄厉，哪个虫儿敢在前？

相思

欲语无言最犯狂，纸窗一破是南墙。痴心总比琉璃碎，散尽相思在四方。

官场现形记

得志小儿成克杰，失常老大薄熙来。官场新版现形记，频演中央电视台。

咏烟柱群并赠人

烟柱破空粗且黑，互夸正直恣相欢。可怜未及风声起，扭曲歪邪已抱团。

月饼二首

一年一度过中秋，月饼惹来无限愁。纵使能知发霉货，也应难避地沟油。

鸡毛文件反贪污，不指王公指软酥。行贿如今皆现汇，问他月饼又何辜？

因窥诗示妻

字字关天欲择难，谁人窥视暗中欢？造诗不似卿临镜，妆未成时反耐看。

这就是美国二首

看电视

早猜伊国会丢城，更怕希婆死卖萌。穷极无聊换频道，某州小学又枪声。

纽约周三

一到清晨礼拜三，心情抑郁比天蓝。沿街垃圾如山积，臭气重重未可堪。

憶江南一组

2014/8/15

南湖舊約

我約南湖在舊遊，學成重泛雨中舟。八年一紙文憑後，已負南湖十個秋。

新居落成

江南民居廚房“竈山”上必有“竈花”。通常正面畫有竹魚，取諧音“火燭平安”和“年年有餘”之意。反面則有倒寫之“火”字。

聲聲鞭炮賀新居，酒醉人歡沸里間。最喜竈花初著色，一庭翠竹一池魚。

古鎮鈴聲

家鄉是江南水鄉依河而建小鎮，多木質古屋。黃昏時有老叟提鈴巡視全鎮，以警火燭。

耆叟提鈴暮色迷，小心火燭引聲低。依河漸漸朝東去，又伴風來直到西。

雙搶時節

“双抢”，指抢收庄稼和抢种庄稼。水稻在南方一般种两季，七月早稻成熟，收割后得立即耕田插秧。如果晚了季节，晚稻收成将大减。这时，学校会放农忙假。

搶完早稻尚浮埃，即拔晚禾疏裏栽。童稚炎天提飯盒，也翻鐵路地頭來。

船頭新娘

鑼鼓喧天彩帶揚，船頭端坐是新娘。紅巾纖薄遮羞面，笑聽兒童數嫁妝。

甲午杂诗

盛唐氣象早雲邊，甲午衰積似眼前。我勸國人齊發奮，重拋夷狄五千年！

国际风云正变迁，列强环伺似当年。不将刀俎便鱼肉，岂是杞人忧九天！

新疆恐怖分子

是谁法外养凶残，两少荒唐更一宽？可怜分明官作孽，小民拿命去埋单。

时有客从东来，但言人多为患。愚昧甚矣，因作此诗。

愚民数亿足悲歌，但语官云尽入魔。我有真言开懵昧，积贫不坐国人多。

应叹地震太无常，豆蔻年华哭逝亡。多难由来推校舍，官衙总是最坚强。

多少风光周薄徐，哪知个个是元渠。欲提怒笔还轻放，为党遮羞不忍书。

缘何拜鬼路人知，军国阴魂欲借尸。义丧何须唇舌辩，万年仍旧是倭夷。

泄欲但须寻美美，卜官亦可问王林。时逢圣代多奇事，只怕骚人不及吟。

连降七级

中纪委通报，云南省委原常委张田欣被降为副处级；江西省委原常委赵智勇连降 7 级为科员。

举世知羞冷笑看，我闻咄咄也无欢。圣朝毕竟多甘露，赃款一交仍作官。

不谙书法自嘲

拼音代字已羞臊，电脑时时又捉刀。我比定庵多一恨，更无美妾善挥毫。

国诗赛后寄友

2014/12/26

勿耻名居诸劣后，当矜才在众英前。小诗虽陋聊相勸：守住心中一片天！

诗赛

2015/1/4

拨开黑雾几多层，评委谁知是党朋。朱笔一挥诸子愕，只猜草率与低能。

感雪二章

2015/1/9

康州雪，因感作。

层层素雪覆山林，咸道天光正可吟。纵使倾将银汉水，难添洁白到人心。

光如世事总难平，山脚阴寒山顶明。我愿此生长似雪，化冰剔透化云清。

诗社林立互相攻讦有感

2015/1/11

一片骚坛杀伐声，各摇皂纛据孤城。诗歌本为言心志，李杜从来不结盟。

读《报任安书》有感

2015/1/12

《报任安书》，真天下第一书信也。“行莫丑于辱先，诟莫大于宫刑”，则斯人之负耻可知。“草创未就，会遭此祸，惜其不成，是以就极刑而无愠色”，则斯人之负重可知。“肠一日而九回，居则忽忽若有所亡，出则不知其所往”，则斯人之负悲可知。而终“究天人之际，通古今之变，成一家之言”，则斯人居功之至伟可知。嗟夫！子曰，求仁得仁，又何怨哉！于斯人，吾谓至矣。

都歌猛士走江东，我仰文人废己躬。敢问逃羞同负重，当真若个是英雄？

邻树开花

2015/1/14

遥观方识美如霞，近看无非一树花。我谢东风多眷顾，总将春色置邻家。

读某些诗赛作品随感

2014/1/5

命途多折育才人，气骨清时最易沦。文字光鲜何足取，作诗贵在感情真。

小儿一周岁作示儿两首

2015/1/16

思义之名，其母取自《论语》“见得思义”。

客中再客恨无垠，况值吾儿学语频。可叹一周归二日，却于乃父最相亲。

思义吾儿汝记真，须忧无识莫忧贫。我于今日无他望：做个堂堂正正人。

卖材

2015/1/18

十年铸斧未言迟，久入深山岁自知。杞梓楸楠无识者，工夫尽误卖材时。

石景山观树寓意

2015/1/20

都矜孤拔未曾盘，近看青光实实团。叹尔齐能无动息，送他萝葛入云端。

咏清代诗人五首

2015/1/21

咏蒲松龄

天公只怕最怜才，未遣蒲郎入帝台。一部鬼书看不厌，夜长尽盼女狐来。

读诗咏吴伟业

剃发山盟早食言，自知欠死更营田。可怜鄙俗圆圆曲，糟蹋无辜字一千。

读诗咏屈大均

太白豪情子独持，天倾偏欲以身支。满腔热血和真爱，凝就千秋不灭诗。

读诗咏钱谦益

国破能存项上头，有娇有业漫啼愁。区区几滴清闲泪，欲洗金陵献表羞？

读诗咏黄景仁

七十二般徒见穷，腾挪跳跃了无功。笑君稍逊洛溪子，尚在唐人魔掌中。

康州二月读《戏答元珍》戏作

2015/1/22

这首诗是根据原诗第一联写的。

无红无绿未曾嗟，二月康州尽雪花。翻笑醉翁如女子，夷陵便哭是天涯。

纽约逢大雪

2015/1/26

片片相催笔不开，拟盐作絮总非才。低吟未就回头望，天帝修成白玉台。

自嘲中年增肥

2015/1/29

《梁书》卷十三《沈约传》：（沈约）曰：「……永明末，出守东阳，意在止足；而建武肇运，人世胶加，一去不返，行之未易。及昏猜之始，王政多门，因此谋退，庶几可果，托卿布怀于徐令，想记未忘。圣道聿兴，谬逢嘉运，往志宿心，复成乖爽。……百日数旬，革带常应移孔；以手握臂，率计月小半分。以此推算，岂能支久？」

人到中年梦渐凉，宿心亦似沈东阳。同知革带应移孔，只是宽严各一厢。

嘲人中年发福

髀肉增生胫肉横，英雄老至万难撑。笑君节食犹便腹，受得太多狮吼声？

邻松夜折寓意

2015/2/4

本以高标弄怪姿，邀风抱雪势尤奇。可怜夜半拦腰折，辜负无穷颂美诗。

回国见闻录几则

2015/2/6

过海关

喝人如狗一微官，甫下飞机仰面看。可恨十年归国意，海关未出已阑珊。

沪杭铁路上

密封窗户久蒙灰，乘务偷闲卖话梅。一侧叼烟神气客，刚从乍得打工回。

沪杭高速上

官要如弦自不歪，豪车天降放形骸。久盯道侧难知处，出口全为限速牌。

夜出合肥长途汽车站

死拽行囊欲夺难，帅哥少弟叫成欢。恰如羊落狼群里，一女松开一女拦。

嘉兴市政府大楼

今日飞楼旧日田，停车场亦广无边。寥寥几辆门旁竖，一队官人正吸烟。

合肥城中搭坐军车办事

搭坐军车事偶然，止行处处我为先。一堂动态人文课，识尽世间都怕权。

偶访皇都

世袭民工穷巷泣，天生官贾众姝随。朱楼堪咏阿房赋，粉壁催思大铁锥。

与国内教授共晚餐

学徒裙短溢风流，教授情多漫怨尤。酒过三巡云雾后，科研于我又何求？

圣诞节前天上班

乍进楼层觉冷清，一千屏幕两三明。众人俱已逍遥去，几个虾兵守大营。

咏雷三章

2015/2/27

乘飞机途中遭雷击

大响无声似触山，机舱明暗一时间。老夫未有亏心事，如此天雷只等闲。

初雷

岁岁都期岁岁叹，白光一掠便阑珊。有朝我若为天帝，教作连宵七彩看。

冬雷

作声虺虺若撕天，触手催春自认贤。万紫千红催不出，戚施却得舞翩跹。

有感

从教造化变无穷，蛮触基因九九同。我料外星人到后，白黄黑尽属沙虫。

瀑布

瀑前红绿意飞扬，各自将心拟短长。可惜欢情多似此，一朝倾泻即冰凉。

初中诸君开同窗会因作

2015/9/13

初中凌君告余姊曰：“令弟，吾人所引以为豪也。虽不能至，必得近照。”余久思竟不记其人。因作。

自道多年未忘根，记中仅得几人存。诸君重忆风华日，寂寞天边月一痕。

有感于 DrexelHamilton 股票分析公司

2015/9/14

初，Drexel Hamilton 公司称某半导体蓝筹股值 80 美元。未几日，上调至 100 美元。市场暴涨，余愕然。又几日，下调所有半导体行业股票，该公司仅值 70 元矣。半导体板块暴跌，余愕然。昨夜，Drexel Hamilton 称该分析师已离职，并撤销所有半导体公司股票评估。余又愕然。不知周一股市又将作何反应也。

朝褒夕贬已无常，信口薰莸臭与香。多少长身台下立，偏从矮个问端详。

时事有感三则

2015/9/15

夷蛮节旆满皇都，肃烈三军百代无。屡敕君王真革尽，如何臣脑又糊涂。

日照皇楼紫气横，数千骁勇寂无声。观兵独缺徐元帅，谅已先行拔敌城。

未曾一统大中华，列国来朝缺几家。长愿骢骢诸将士，早屯东海与南沙。

告故人

2015/9/16

一自离乡未近花，孤轮日夜向天涯。故人若问偿心事，阅尽朝霞与晚霞。

忽得初中班主任电邮有感

2015/9/23

自余初中毕业，倏忽已二十六载矣。其间偶尔还乡，几年一度而已，与众人遂无来往。今日忽得初中班主任顾老师电邮，附照片五张。感慨系之，因作。

久沉海外愧疏慵，感子音书故意浓。远晤屏前难解恨，终须对面睹君容。

五言律詩

夜宿擬古

荒村暗山裏，相擁共嶙峋。風急冷星落，海清殘月淪。行行臨別淚，歲歲欲歸人。所幸志雖滅，鄉心無一塵。

壬辰七夕

去鄉音訊遲，人道又佳期。皎皎金風照，迷迷浙雨思。欲家千里處，忽恐百年時。獨寐悲寒鵲，星河不我知。

八月

八月陰陽間，風平浪欲興。野芳縈蔓草，高木委攀藤。心傲絕書友，性閑疏酒朋。愁窮心復亂，長嘆愛成憎。

壬辰白露

白露無詩賦，風平夜未涼。蒹葭依水靜，鳥雀養羞忙。故地齊斟酒，斯人獨斷腸。即今狂詠去，何必待重陽。

注：

一 每年公歷的 9 月 7 日前後是白露，是二十四節氣中的第十五個節氣。此時草木挂露，天氣轉涼，鴻雁南飛。我國許多地方還流行著喝白露米酒的習俗。

二《逸周書·時訓》：“白露之日鴻雁來，又五日玄鳥歸，又五日羣鳥養羞。”朱右曾校釋：“養羞者，蓄食以備冬，如藏珍羞。”

九月

九月青黃接，高風染益秋。雁孤存戀去，枝折泣哀留。惻愴離人恨，連綿別夢愁。
林林浮世事，漫漫伴天流。

壬辰重陽

獨執茱萸佩，登高夜色涼。草隨霜露白，風共菊花香。舊面成新面，他鄉作故鄉。
多情孤月照，無酒亦重陽。

桃花

桃花逐歲開，人面未曾回。笑貌思還亂，音容憶更哀。風悲吹葉去，香隕繞枝來。
誰料歡同愛，翻成淚共灰。

癡心

癡心非自慕，總被虛情誤。昔日似相愉，今朝唯見惡。文華可日新，容艷難長駐。
芳草連天齊，豈憂不得遇。

釣魚臺

大力夸娥氏，移山方外來。古今橫海客，往返釣魚臺。上國避三舍，東倭賤九垓。
莫令征虜日，四島動天哀。

夏日北卡州山中漂流

紅塵棄天外，孤筏夢中行。時沒怒濤迸，一浮驚鳥鳴。迂途生復滅，峭壁阻常傾。
歸憶雲興處，愁懷又已盈。

夫子華誕日作詩而嘆之

春秋久無道，木鐸一人持。數紀喪家狗，千年至聖師。獲麟終絕筆，候鳳獨傷時。
君子坦蕩蕩，何辭居九夷。

桂月寄人

桂月風漸起，木犀千里香。滿城歌朗夜，半數著兼裳。柚子黃間綠，農夫閑裏忙。
願君多保重，一雨一場涼。

羈泊紐約詠懷

窮年名利苦，事雜不勝煩。木木砧鋼色，禽禽市井言。人奔疑作亂，車嘯若蒙冤。
何日遺塵去，青山采紫萱。

歧路

經行斷山下，夜至益多歧。惡澗歌冤曲，枯松舞怪姿。客心殊已倦，歡夢復何辭。
願得生六翮，搏空無所羈。

危路

危路此間分，遙望疑見君。洞邊雷打樹，山外火燒雲。屏息蕩低語，回身浮亂墳。
一嗟天地黑，松葉落紛紛。

山搖助風抖，危路此間分。旗露松旁井，舟橫月下墳。幾熒明復滅，一嘯止猶聞。
門壞扣不應，側身千丈雲。

日落猿聲起，摧藏不可聞。遠人何故至，危路此間分。往事生愁霧，離魂聚暗雲。
夜來憐月冷，更照雪紛紛。

孤行亂山裏，松轉鬼聲聞。躡足落梯石，低眉搖棧雲。迷途何日盡，危路此間分。
浮世如逆旅，南柯聊暫欣。

極目秋蕭瑟，寒空雁失群。逆風唯咽咽，落木復紛紛。荒冢蔓枯草，殘碑駁蘚紋。
樂鄉何處是，危路此間分。

壬辰寒露懷友

寒露侵晨至，溫情緣夢尋。懷風送秋水，憑梓寄孤吟。落葉離人意，空山故友心。
一朝曾促膝，萬里是知音。

剝王維

終南通捷徑，隱在輞川邊。去意堅如水，禪心閑若鳶。祿凭奸定奪，官與賊周旋。
所懼唯何事，無人頌我賢。

登樓賦集字十首

予幼時好讀登樓賦。近日臺風肆虐，交通中斷，困於紐黑文。百無聊賴，因效東坡集字歸去來，綴詩十首，然愧不得兒曹誦之。壬辰陽月，洛溪狂客筆。

盤桓於顧憂，淒愴以登樓。華實盈平陸，隰皋臨沃流。憑軒陶野遠，騁目楚天幽。
信美非吾土，歸歟何足留。

步遲悲未暇，信美寡登臨。無意於莊顯，有懷將越吟。瓜懸莫其顧，涕墜弗之禁。
舊土今遙隔，人窮豈異心。

日下其將匿，登高望楚荆。逶迤幽路迴，蕭瑟舊原平。懼寡獸狂顧，求群鳥慘鳴。
人心何闐闐，孰可並吾行？

邁邁曾逾紀，登樓嘆逝川。越吟惟惻惻，楚奏實懸懸。鄉遠山河隔，行遲道路遷。
今歸任吾臆，何暇涕高天。

日月遭紛濁，歸心夜夜同。河清長可俟，天遠未曾通。背浦悲川逝，臨皋嘆道窮。
昔人今不在，徒倚望高風。

日夜交相逝，憂心長在斯。懷歸情眷眷，望鳥意遲遲。莊舄雖高顯，越鄉徒遠而。
吾今感無翼，倚檻悵何之。

登樓聊極目，北向涕昭王。氣宇橫天在，風儀蔽日長。深川通白土，迴路接何鄉？
吾道雖彌寡，心清不以狂。

登階窮目力，漳濁野聊蕭。井渫心長憤，瓜懸憂未銷。歸歟音惻惻，尼父意昭昭。
何日步鄉路，憑望楚夜遙？

不寐登茲宇，天幽楚月高。開襟望北冀，側目覽西皋。道寡悲無假，情懸畏所遭。
心雖在陳力，紛濁意忉忉。

栖栖望征鳥，嘆息一吟徒。鄉遠情今昔，岑高日有無。悲懷感留牧，少力信非夫。
窮達豈憑道，濁清惟在吾。

胡锦涛全退而书事

几载守边臣，十年韬晦身。求诸终逐末，反腐只劳神。不意争功过，超然去垢尘。
一筐中外事，可付后来人。

陋室吟

久客忘其貧，蜗居陋室親。无帘光易借，有洞氣常新。褥少偎書緊，歡多夢筆頻。
芬香盈四壁，何必卜芳鄰？

赴美十七周年作

躊躇一少年，遠渡慕時賢。揮手親人淚，抬頭異國天。青春書內盡，素志鬢邊湮。
將寢感明月，床前為我圓。

夢遊廣寒

執手月光寒，淒容且笑看。卿懷千里苦，我惜一宵歡。舞袖星方璨，停杯夢欲殘。
暫隨莊蝶去，淚下莫闌干。

赴美十七周年自題

獨有洛溪子，飄零在異鄉。終年效夸父，亂髮逐斜陽。失道迎風哭，臨歧舞杖狂。
誰堪垂暮下，萬里斷中腸。

哀良馬

從來天上馬，折翼墮青雲。才逸人皆恨，身清自作群。空懷遠方志，枉陷俗塵紛。
引頸歸無處，悲鳴不可聞。

癸巳端午節於紐黑文作

端陽空自至，四顧雨霏霏。久客猶難已，初心未忍違。風狂憐草倦，天暗覺燈微。
誰道不相憶，離魂夜夜歸。

访旧

访旧总心酸，矧兹羁影单。亲交何处去，景物梦中看。残菊情犹在，秋蛩意正寒。将行还独立，回望夕漫漫。

詠石

一介獨炎涼，無求性自剛。偏由芳草秀，豈任逆風狂？雨驟聲翻壯，苔侵色益蒼。中心當磊落，有角又何妨？

踏山见一橙色树于众绿之中感而赋诗

漫山唯弄绿，橙色自成群。远望惊林火，近观疑日曛。孤芳强似我，生意更输君。临别三击掌，相期看白云。

地铁五味

地铁五冲气，言来话却长。阿三臭难状，老墨辣能当。屎尿野人秽，胭脂美女香。此中余一味，游子内心藏。

曼哈顿岛晤故人沈君并送别

2013年8月2日，高中同窗沈君毕业二十一年后特适曼哈顿岛，携子短暂晤我，感而赋诗。

同学三年后，浮云廿载余。美姬矜有嗣，孤客愧无庐。聚散缘虽浅，悲欢契未疏。临街相拥去，人海独茫如。

裸官

单身赴异乡，两袖与天长。乌眼随时绿，红心到处黄。九州无子女，四海有银行。反腐夫何惧，须防小妾狂。

油歌

2013/8

启功先生说，汉诗是长出来的，唐诗是嚷出来的，宋诗是想出来的，洛西游子的诗是痒出来的。

汉诗如草长，嫩绿杂金黄。唐士放声嚷，佳音犹绕梁。宋儒搜腹想，谬理让人狂。游子一心痒，油歌万首强。

独步纽约中央公园

高楼三万尺，四顾密成围。应是风难起，徒令叶不飞。残阳怜久客，寒袖笼余晖。虽乏抟云力，中心未敢违。

客中自题

浮年三十八，廿四在他乡。漠土频游远，胡鬚日理长。闲来诱西女，梦去撞南墙。已惯无人爱，歪诗自个凉。

秋游落基山国家公园

云崖起暮烟，石蹬入秋天。隼息冰川下，羊偎瀑布前。连峰沉落日，去国叹经年。更恐双亲忆，魂飞不可牵。

懶覺寓嘆

頭昏眼也迷，窺日正沉西。形類貪眠狗，心慚報曉雞。一宵徒有興，百慮尚無題。老至詩才澀，非關得少妻。

康州寒舍写兴

风雨竟从容？缘藏乐者踪。依山三尺路，去海数分钟。有径皆生草，无窗不见松。经年檐下雀，一客未曾逢。

送学生归国

奇剑肯久匿？十年勤自磨。壮怀欣抖擞，别意敢蹉跎？云水望中急，风雷去后多。此行无所赠，为鼓大鹏歌！

书归有怀

壬辰中，余与女友自康州出发，历时三日，行程两千英里，将十数箱书从乔州前妻处载回。近日思及旧事，因作此诗。

山水笑相催，飚轮殷似雷。半生随梦去，此日载书回。已拾芸香郁，兼蒙粉色陪。陋斋虽杂乱，正可纵情堆。

讀《悲憤詩》有感

字句何其拙！逾知泣血為。百嗟方卒讀，十日尚餘悲。腸已罹兵斷，肝猶別孺錐。今人多不喜，癡愛我同誰？

甲午七夕感作

牛女遙相隔，光猶十六春。長天星脉脉，異國恨殷殷。路慣單程路，人知夾縫人。
舉頭唯玩月，清漢已傷神。

耶魯大學 Phelps 門前晤別高中班主任王老師之波士頓

三載丁寧後，相違二十年。感君炎日下，期我古門前。肺腑方聯袂，風塵又著鞭。
遙知晨讀處，眾木已參天。

周荻魯獎有感二首

意俗復聾牙，平平卻自夸。耄儒睜著眼，禿筆指成花。從此銜金桂，任君稱大家。
只憐香案下，所進遠非茶。

周郎呈妙物，絕倒老蒙童。自道凌唐士，誰知運秘功？詩文今不議，品行舊來空。
竊印諸般事，難逃佞傳中。

有蜨

2014/8/24

有蜨乘霧幕，高據桂枝顛。鼓腹黑還厚，團丸臭且堅。分明貪食溷，竟爾妄稱蟬。
總見書蟲拜，迷其所以然。

有蔦

有蔦趨炎熱，心高不晒泥。乘雲卑巨木，假日藐連畦。正午莖蜷北，將昏葉轉西。
忽如霜夜至，根死影淒迷。

贈韓國同事殷教授

2014/8/22

教授喜摩詰詩，曾與論《史記 宋微子世家》，內載武王封殷箕子於朝鮮事。於宗教，文學，音樂，歷史，地理，金融，無一不通。相談甚歡。

海外持希姓，名隨箕子崇。顏形如漢裔，舉止有唐風。壁上渭城曲，胸中太史公。他朝重煮酒，所見定仍同。

赴美第十個聖誕夜回康州火車中作

2014/12/30

聖誕客中至，風情舊已諳。彩燈奔似錦，迴舞逾藍。車沸多歡笑，心馳賽逸驂。火鍋逢美酒，想見合家酣。

夢後作

2014/12/24

魔王指我嗔，欲醒夢中身。狂笑釣鰲客，竟成騎虎人。天邊捐二稚，海外泣雙親。聞此忽驚起，牆隈獨失神。

贈某學弟

2015/1/3

大智數曾逢，遲疑如稚孺。一絲存戰兢，三復恐差誤。無有四時功，難行千里路。莫師荷上蛙，能縱不能步。

2015 年年首自题

2015/1/6

昔负家乡土，冲天出洛溪。为酬千里志，不作一枝栖。率性终无悔，孤飞却转迷。
壮心君莫问，仍与别时齐。

思张益唐事感作

2015/1/8

张益唐博士毕业后，屈居美国某大学作一讲师。生活拮据，送过外卖，做过业余会计师，据称常在校园里捡拾烟蒂吸食。忽发表孪生素数存在性一文，震惊全球数学界。数学奇才 **Terrance Tao** 称，张的证明思路并非另辟蹊径，而是沿用了已经存在的方法。数论界所有权威都认为此路已是死路一条。张坚持这个方法数年，终于打破缺口，证明了这个重大猜想。张已获国际数个大奖，也连升九级被提拔为正教授，成为传奇人物。

闻讯数惊叹，迤邐一讲师。乃知成大事，所贵在坚持。云气万重后，风雷突作时。
楷模长警我，勤勉奋天资。

忆同学中弃家室及博士学位而出家者

2015/1/15

世事塞心胸，忧烦几万重。三餐多白饭，四季一清容。忽与众人别，但云他日逢。
十年音讯渺，游讲到何峰？

与博士生时同学曹张二君宴于时代广场

2015/1/17

男儿相誓后，南北复东西。今夜欢须尽，当年勇莫提。无人操旧业，有酒贺新妻。
解带酣歌处，浮名早作泥。

戏同事喻君娶钢琴老师

2015/1/27

蔡邕《琴操》：伯牙学琴于成连先生。先生曰：“吾能传曲，而不能移情。”

美人挪素手，传曲复移情。遂使叨花客，转迷流水鸣。众看衣渐缓，自恨技难精。司马关关意，琴中却已盈。

康州寒舍写兴其一

2015/1/28

贫居多藓痕，几雀伴晨昏。犬吠因风过，花明在路存。枕诗观日色，随蚁绕墙根。懒甚无心怨，桃源未得门。

醉意

2015/2/3

我浮东海上，星饵汉为竿。岁月忽千载，乾坤只一丸。醉时何称意，觉后了无欢。仙事安能偶？徒嗟世路难。

有鳄

扶南充狱史，罪否饱饥分。牙利称将戒，皮粗笑更皴。噬人偏洒泪，欺世屡铭勋。欲挽射潮弩，官申有祭文。

股市被套牢因作

2015/9/12

恒遭纨绔羞，愤懑一黔娄。竟卷桐棺蓄，专从股海游。胸中无拙策，水底遍神钩。弹铗咨天帝，胡然目我仇？

秋叶

2015/9/20

苦待得高风，青春旅梦中。翻飞招鸟羨，流彩染霜红。落落离根本，欣欣向远空。
此生求绚烂，不与俗枝同。

游 Hammonasset 海滩州立公园

2015/9/29

闲步白沙外，轻吟碧海边。花香何郁烈，果色亦娇妍。飞鸟偕云戏，游人对日眠。
此间堪久逗，平乐胜尧天。

客中秋雨有怀

2015/10/4

夜赓秋兴篇，郁郁至无眠。谁奈三更雨，偏寻十月天。风寒摧苦志，水急劫流年。
令我思陶子，斯人不乞钱。

夜读贾岛《送别》

2015/10/8

牙弦孰嗣音？游子夜沉吟。因见山中玉，如闻海上琴。冰盘升涧谷，清照满霜林。
一曲千秋意，云何不湿襟？

得故人书

2015/10/11

故人鱼信至，苦我徙连仍。一自风中别，几如天外鹏。江南初桂叶，塞北已霜棱。
未嘱无多字，吴莼正上乘。

周一六时未至起赴纽约上班火车中作

2015/10/12

梦中铃大作，女曰匪蝇声。拭目人犹困，窥帘汉正横。娇儿慵抱枕，慈母细调羹。
风雨妻迎送，多年未误程。

六言律詩

心鬼

寒鴉噤悸黃昏，厲鬼縱橫暗村。血濺前山後水，屍陳古墓新墩。一聲耳際尖叫，十個心中怨魂。早覺餘生半冷，還將剩酒重溫。

七言律詩

春意

來時仿佛去朦朧，愛恨依稀似夢中。西子湖邊摯弱柳，宙斯城上沐東風。老忠泉嘆千溪綠。大霧山驚萬木蔥。未醒新人成故事，十年春意一朝空。

次長征韻二首

時危不怕建軍難，萬里長征只等閑。霧鎖井岡星火暖，雲圍遵義號聲寒。復興古國凭鮮血，韜略全球賴小丸。戎馬一生成偉業，神州百姓始開顏。

百年魔怪豈稱難，三座大山只等閑。賞雨南湖舟上客，揮師北野掌中丸。檄平紫禁春風暖，橫渡長江殺氣寒。星火燎原天地煥，為民服務始開顏。

壬辰國難日懷岳武穆王

六狄交侵百恨生，十年磨劍一朝成。任他魑魅狂和暴，還我河山徂且征。報國功期擒兀術，安民志在搗龍城。三軍不敵莫須有，萬古同悲五岳盟。

壬辰中秋夜詠懷

秋高氣爽海中天，雲淡星稀思萬千。十載寒窗雙冷袖，百年獨客一危舷，風淹此夜由來細，月滯他鄉分外圓。輕浪鄰鄰人蕩漾，無眠應在聳詩肩。

華爾街

印地荷皮多少秋，米旗星幟一金牛。梧桐風雨牆難覓，財閥興衰水自流。三典冗長明法律，五銖微小控寰球。樓危不及熏天欲，心靜何須泛海舟。

注：

一 印地句。1609年9月11日荷蘭人到達曼哈頓。1626年荷蘭人自印地安人手中購入曼哈頓南端，命名為新阿姆斯特丹。價格是當時值60荷蘭盾的貨物，按現在貨幣算，約600美元。《史記·秦本紀》：“（秦繆公）聞百里奚賢，欲重贖之，恐楚人不與，乃使人謂楚曰：‘吾媵臣百里奚在焉，請以五羖羊皮贖之。’楚人遂與之。”1640年荷蘭人造柵欄牆以隔印地安人。1665年新阿姆斯特丹並入英國，並改名為紐約（新約克）。米旗星幟指英国美国国旗。

二 梧桐句。1685年英國人沿牆訂出一條道路，即今日華爾（Wall）街。1699年將牆拆除。18世紀末，交易員在華爾街街腳的一棵梧桐樹下從事非正式的買賣。1792年，訂立梧桐樹協議，為紐約證券交易所前身。水指把曼哈頓島和美国大陆隔开的Hudson River和East River两条河流。

三 三典句。三典泛指規範華爾街的聯邦法律。規範華爾街的聯邦法律主要有1933年的證券法，1934年的證券交易法，以及1940年的投資公司法。五銖，指貨幣及金融資本。五銖是一種中國古銅幣，錢重五銖，上有「五銖」二字，故名。唐劉禹錫《蜀先主廟》：“勢分三足鼎，業復五銖錢。”

曼哈頓島

千載卷舒雲戲澤，一朝風定涌新城。三州月繞存林色，二水人行化浪聲。樓割曉昏常變幻，人忙聚散各經營。榮華富貴非吾願，別夢依稀浙雨情。

遊聖胡安原始雨林

潛林吐霧重霄蔽，飛道盤空萬澗回。忽雨忽晴無定數，疑仙疑鬼有驚雷。纔憐蜂鳥依人囀，又詫曇花傍石偎。恬臥行將化莊蝶，無情響笛却相催。

一千三百年華誕詠杜工部

少小清狂豈事耕？山河破碎客中征。百年沉鬱丹心嘔，萬丈光芒詩史成。字俗偏能擎秀句，律嚴不累縱豪聲。道章千首堪垂世，民瘼時艱血淚橫。

和紅塵邊上客《壬辰仲秋山居有賦》

奇才曠世謝塵羈，野逸山居俏女兒。情至繡絲丹鳳羽，閑來釣澤白羊皮。雨中清角悲師曠，月下孤琴候子期。莫道此生唯一己，知音夜半和君詩。

注：

原玉：道德文章兩不羈，合該前世是男兒。才情傲比千金骨，身價慚同五穀皮。海角無心尋伯樂，天涯有淚吊鍾期。人生若問舒懷事，將謂知音和我詩。

壬辰中秋夜紐黑文遙思故里海寧潮詠懷

夜永天涼睡思遲，彷徨自問欲何之。渾圓月挂嬋娟處，一綫潮奔洶湧時。猶記江邊齊曠爽，會當世上競驅馳。別來蒹葭年年蔓，恰似羈愁歲歲滋。

壬辰初度歌

少年仗氣異邦遊，苦辣酸甜二十秋。心鈍不能分諂慢，身微哪得歷沉浮。懷情愈覺親交遠，矢志方哀歲月流。幸有良詩三百帙，時時朗詠慰鄉愁。

詠韋應物

明皇仗裏放狂兒，曉玩樗蒲暮竊姬。心鈍若鍾無片字，恩深似海有窮期。杜門斂性終賢守，折節從文竟妙辭。王孟弗如追太白，淵明素樸乃宗師。

自嘲詩

本探物理欲齊賢，半道謫詩太可憐。縱筆幾忘多少載，恣情一數萬餘篇。人云生硬渾難讀，自覺輕浮豈足傳。乃識文章千古事，無才有字亦徒然。

詠謫仙人

謫降仙人抱酒生，逸才作劍任縱橫。訪山不忘求靈藥，修道還期比老彭。壯志搏雲猶自涌，華章馭氣只天成。大鵬一曲遺塵去，萬世餘風蕩雅聲。

注：

一 唐 孟榮 《本事詩·高逸》：“李太白初自蜀至京師，舍於逆旅。賀監知章聞其名，首訪之。既奇其姿，復請所為文。出《蜀道難》以示之。讀未竟，稱嘆者數四，號為‘謫仙’。”李白《答湖州迦叶司马问白是何人》：“青蓮居士謫仙人，酒肆藏名三十春。湖州司马何須問？金粟如來是後身。”杜甫《飲中八仙歌》：“李白一斗詩百篇，長安市上酒家眠。天子呼來不上船，自稱臣是酒中仙。”李白《上安州裴長史書》：“以為士生則桑弧蓬矢，射乎四方，故知大丈夫必有四方之志。乃仗劍去國，辭親遠游。”

二 李白《感興》：“十五遊神仙，仙遊未曾歇。”李白《廬山遙寄盧侍御虛舟》：“我本楚狂人，鳳歌笑孔丘。手持綠玉杖，朝別黃鶴樓。五岳尋山不辭遠，一生好入名山遊。”

三 清沈德潛《說詩脞》卷上：“太白想落天外，局自變生，大江無風，濤浪自涌，白雲卷舒，從風變滅。此殆天授，非人力也。”

四 《李太白全集》開卷第一篇就是《大鵬賦》。李白在賦中以大鵬自比，抒發他要使“斗轉而天動，山搖而海傾”的遠大抱負。李白《上李邕》：“大鵬一日同風起，扶搖直上九萬里。”李白《臨終歌》：“大鵬飛兮振八裔，中天摧兮力不濟。余風激兮萬世，游扶桑兮挂左袂。後人得之傳此，仲尼亡兮誰為出涕。”

詠李長吉

誰憐病客褐衣寒，夢斷長空瘦骨單。兩鬢吳霜先死易，一山蜀鳥欲歸難。黃風泣草頽雲落，白馬悲秋晚笛殘。天既無情天不老，愁君獨自淚闌干。

注：

一 李長吉傳詩二百餘篇，喜用老（50多次），馬（80多次），寒（50多次），秋（70多次），白（80多次）等字。今集其常用之字，作詩以嘆之。

登高

漫天夕色望無窮，遠阜招邀共向東。漾漾波搖秋海醉，飄飄葉舞晚風紅。忘機美景誰相伴？束楚良緣曲不終。鬢白今生方識字，人間愛恨一蒙童。

譏王維

白水青山萬里關，詠完自得畫紅顏。塞歌半有高岑壯，林賦毫無韋孟閑。別業連薨身謂隱，奸臣當道俸狂攀。詩編上半還堪讀，下半可呈安祿山。

詠王之渙

藍衫滅裂作潛夫，卻笑高王田舍奴。倜儻異才懷亮節，躊躇大略屈雄圖。黃河遠唱涼州曲，鸛雀更思新絳儒。瓊玉原應天闕有，止遺人世六驪珠。

感恩节赋得

惯于半夜望星辰，万里愁云恨杀人。无奈光缠无奈月，不堪影附不堪身。闭门且尽杯中物，开卷翻怜陌上尘。幸得群诗相斗艳，冬来聊赠一方春。

戏韩愈

詩作散文非自戲，橫求樹立弄天真。囊頭滾土祈餘齒，露體撩雲咒逝春。未老恫憂逾紀嘆，偶遷忿懣累篇申。可憐一己鎔銖計，萬字新奇意味陳。

忆大学生涯

学习之余唯学习，清华北大等闲看。修心寢室虫为患，勵志澡堂冬亦寒。逃课攻书偏有效，通宵备考最生欢。五年所恨诚何事，师妹稀奇一会难。

忆童年

小时生长在荒泽，天性调皮事不经。逆泳吓呆新舵手，乱登气坏老船丁。攀桐数堕得金蛋，掘坝无休盼宝瓶。今日童心应未泯，只怜客里正飘零。

自纽约之纽黑文列车中逢雨戏作

昼眠乍觉客心惊，造化无端正斗兵。击地阵雷声暴躁，吞天战雾貌狰狞。狂风卷浪恣情涌，豪雨翻江任意倾。所喜须臾尘尽洗，一虹高挂贺双赢。

文凭

人家十载我一晨，博士誰說最耗神。名校唯唯將隊列，秘書振振把詞陳。課時不到自然有，答辯無需領導申。莫道丢光中外臉，习哥亦是我同人。

佚题

分明万里更销魂，且月栖栖孰与论。善恶终须归业果，死生何似鼓庄盆。赤旌已浸天街血，古国平添地狱门。东望故园无所见，晨开只道正黄昏。

康州六月雨如冤，悱恻迷离久不翻。天上灾星予作客，人间祸水孰为源？忍看赤胆书生血，敢指紫衣屠伯藩。此恨偏多消未得，小庭苦觅了无萱。

元凶

独立寒秋直到冬，湘江谁睬旧时容。天如有命天当死，地本无枪地亦从。牛鬼蛇神成绝唱，张三李四作元凶。书生隔海又何事，雾里看花亿万重。

天问

一梦白鸡天下素，可知赤县远红歌？整风又见歪风遍，革命争如宿命何？盛世十年曾恨短，顺民万亿转嫌多？湘潭日暮遥相问，龙冢迷离水不波。

血同源

根红苗正血同源，鼠辈商歌只浪喧。三讲一谐何少习，十几九害不多冤。造邦事毕犬临镬，革命功成鹤入轩。君看长征穷苦地，旧时星火会燎原。

造诗记

秃笔难明秃顶痴，闭门自锁造奇诗。定时器响知才尽，碎纸机停觉恨迟。怒斫玻璃聊一快，恍闻坦克又群驰。陋夷能有几多事，且看庸人乱扰之。

劫

莫名地下九头鸟，昏卧身旁十几春。性太天真应有得，世诚秽恶只难陈。千叮万嘱流星雨，阴错阳差失魄人。心事如灰俱已矣，来生还愿作微尘。

适芝加哥迎江郎访美

域外忽闻尊客至，驱车诣邸不辞疲。冲天藏独同台独，满地黄旗与赤旗。烈日劈头无限渴，神龙藏尾有些疑。此行只壮华人气，岂羨高官择另枝。

露水

奉盘仙子泪难枯，坠入梧桐润气殊。秋晚萧条虽自爱，风摇滴沥怎相扶？犹如奔月嫦娥恨，更似报恩泉客珠！来也晶莹去高洁，怜君警我一尘无。

四外当于汉语强

四外当于汉语强！老夫突发少年狂。西班牙去如归国，小舌音来似鼓簧！初觉课文真可爱，渐知词法很悲伤。一周更晒六天网，要泡洋妞路尚长。

鑒湖女俠頌

祖國鼾眠萬事輕，隻身求學赴東瀛。秋風秋雨家園恨，寶劍寶刀豪俠情。陋習籲除聲不絕，金甌誓補血全傾。丹心更比男兒烈，反帝平權第一英。

讀史

普天封國不朝周，率土流氓盡服劉。眾史從來明且易，諸君何必怨而尤。無非世胄成奸宄，或是英才作死囚。獨有多情陳伯玉，幽州台上涕難休。

贈某論壇評詩達人

可憐食腐九頭鳥，寧做論詩三腳貓。連吐帶噴傾狗血，只評不寫耍花招。胡言自是水平次，惡意枉當腺素飆。怪叫如痢脾氣倔，為驢為馬豈需瞧？

癸巳處暑自題

客里糊塗又到秋，喬州負我徙康州。廿年家產全盤棄，滿腹哀傷一瞬流。人道妖姬情易縱，誰云游子恨難收？此身自忖多長處，高富帥加詩賦尤。

詠賈長江

又愛春來又愛秋，誰云只與老僧游？微吟惹鳥依人嘅，逸步飛花伴澗流。已悟空門思致力，豈因病鶴肯低頭？可嘆後世多無識，鄙俗寒酸噪不休。

梧桐

嘉木曾言为尔栽，昔时祖父尚无孩。春归绿叶随风舞，夏至黄花带日开。甘子皆云赛红豆，焦枝不废作琴材。若逢月好平安夜，会有天边彩凤来。

剥纪昀

古来一候无多日，此贼单枪要八妻。织罪毁书贪杀吏，求荣媚虏相风鸡。可悲笔记千般改，难与聊斋半页齐。恬脸更讥唐士俗，我批狗眼看人低。

也说诗赛

秋兴无穷笑广骚，文通诗霸逞英豪。状元都料囊中物，花榜群掀海上涛。彼道绝非吾道是，我山远比你山高。至今耿耿悬崖下，夜半时闻鬼怒号。

登纽黑文 East Rock 望海有感两首

危崖骋望问如何？思绪辽于万里波。岁月无情须振奋，江湖有憾敢蹉跎？枉离神国时偏久，误入诗乡乐反多。别后东岩幽不语，云间听我大鹏歌。

危崖骋望问如何？暮色苍茫万顷波。处处山林争晚晚，时时虫鸟共蹉跎。心空翻恶鲜花艳，客久偏怜老树多。倦卧苔岩云不语，松风来和紫芝歌。

贪官与民工两首用同韵

民膏刮尽是专家，贪欲汤汤未可涯。海外银行贮公款，国中金屋聚娇娃。贞廉入土浇堆尿，鸡犬升天带只蛙。纵使今生名不败，永沦阿鼻却须嗟。

莫笑人穷不爱家，爱家才要闯天涯。藏滇筑路川湘汉，江浙缝衣皖赣娃。建厦互嘲云外鹤，挤床独羡井中蛙。心胸坦荡身潇洒，回首峥嵘岂用嗟。

发表科研论文有感

呕心沥血问谁怜？有去无回又一篇。央恳主编难见效，获闻初审已经年。满腔美愿身三沐，整页胡诌脏百煎。泪谏后来诸小子，须师学霸莫师贤！

酬红尘边上客《临屏赠羁旅纽约 M 君》

穷村牛犊竟留洋，诺奖区区信有方。实验室幽惊胜地，图书馆美作仙乡。三生难报恩师诲，一介应成末路霜。更愧红尘边上客，频频跂足梦中望。

注：

原玉：骏骥蓬矢下西洋，弱冠离家志四方。十丈乌云随出国，廿年明月照思乡。故人偶托三更梦，倦客平添两鬓霜。万里归心悬两地，雁天鲸海渺相望。

三江歌

野老何辜拈此韵，三平请怪嘉陵江。红歌一断失吞鸟，秃笔难摇欲斲窗。刮肚颈联才半句，凭心腐罪过千桩。忽闻东鲁悬河辩，四脚朝天敢不降？

挈灯人 - 向叶嘉莹老师致敬

未许斯文弃且沦，枫乡鲲岛漫征尘。荣光赫赫宗师誉，举止谦谦君子身。数纪讲坛弘国粹，几堆录像作家珍。耄年难息平生志，犹挈明灯引后人。

忆高中生涯

年少轻狂不用功，频抄作业借东风。答题故逗全班乐，开卷明知整页红。随意引吭教研室，存心舞剑女儿丛。离乡若问思何处，还数城南第一中。

补作癸巳初度歌

孤筱青青每自夸，年将不惑竟开花。一丛斑叶千行泪，半截枯枝十个疤。岂忘初心化嘉木？且拼余力孕灵芽。请君看取三秋后，硕果累累领物华。

此女

环肥燕瘦欠妖娆，此女芳心最会撩。该凸该凹皆有致，时颦时笑漫生娇。玉箫哀乐传神弄，水墨浅深随意描。若遇隋炀定封后，运河修到广州桥。

夜望星空

炸破洪荒百亿秋，一秋岂止万千愁？几番逐鹿临参井，何处乘槎到斗牛？盘古莫非归黑洞，嫦娥或许见神舟。晶莹最是天琴座，剩有佳人泪未收。

老父种菜除害二首

家父赴美探亲，开畦种菜，其乐融融。唯有虫害，蚂蚁，千足虫，等等，不一而足。久治不平，又以蜒蚰（一种无壳蜗牛）之害为最剧。晨昏察之，日诛数十。

2014/07/08

老父种菜歌

谁怜越北弄泥翁，径渡西洋育白菰。断榉作篱森似槩，垒砖成陌宛如宫。甫耘沙地叹贫瘠，忽笑草坪争郁葱。从此绝缘超市菜，质鲜味美岂能同？

老父除害歌

痴顽谁似白头翁，昼夜谋诛窃菜虫。藜杖刚哉刑马陆，镬汤沸矣灌蜈蚣。槐檀国破魂归后，蛭触家亡战乱中。更笑书生原不解，与天搏斗乐无穷。

学诗二首

唐社张公出题，限一东八庚。诸子踊跃，余不敢不从焉。屡思无句。中夜不寐，遂起读书，并援笔作诗。诗成，河汉已横陈矣。-- 2014/07/09

诗共羁身四海征，一年一帙纪心程。未知谁爱情无奈，总笑人愚志不更。杂取时呼天地广，薄收每见斗牛横。性狂岂屑吟风月，要继青莲纵雅声！

指顾名家假大空，由来狷介一诗童。忽悲忽喜推敲后，随写随删放任中。秃笔直冲情似泄，俗人怒骂句方工。朝贤可向西天望，小子无师已自通。

憶恩師

2014/7/23

袖裸頭蓬眼欲枯，敲門乍見若逢愚。兩廂半是巴丁物，四壁無非費曼圖。超導超流俱已解，星雲星系更何殊？此生難忘恩師誨，劣質偏偏奮力扶。

治国数字歌

2014/7/11

毛爷万岁一时香，两个新猫狠更强。五讲名归三代表，八荣实至九中央。百家齐放无殊议，四项坚持有永康。毕竟诸皇精算術，拈来数字是文章。

登高感秋

凉风诈我此登临，四顾惟秋转恨今。滞水向云云向雁，赭山披铁铁披襟。眉间路断无芳草，足下虫寒有怯音。似悯忧伤销不得，残阳送暖结同心。

补作游圆明园

2014/7/13

聖朝自詡是天開，天若真知駭且哀。珠閣玉書煙裏去，觚棱金爵土中來。風柔仿佛聞娛謔，日暮分明見駁苔。與國歡心終未得，可憐多少草民財！

感舊

時空錯亂最傷神，眼鏡湖邊四月春。慢候光陰創或合，獨翻相冊意難真。當年執手追花雨，異國差肩遜路人。天地玄機原易悟，苦參無緒是紅塵。

重感舊

夜讀驚來笑靨姬，何由搭訕至今疑。芳名真合珊珊骨，薄綺還憐楚楚姿。我立花前難解意，君傷月下每違期。此生盡誤書堆裏，總是茶涼始覺知。

再感舊

曼舞雖終意未闌，詢名錯愕又珊珊。長談偏記香閨暖，漫步猶憐玉臂寒。越客情開真墮網，吳姬年少只偷歡。清純舊照安然在，每憶韶華一歎看。

訪官寺兩首

2014/8/18

一望連薨若帝宮，龍涎繚繞梵聲中。沙彌歡喜延香轂，檀越摩登議大雄。總見客遭諸相累，竟無僧解萬緣空。六根寂靜恁難得，鄰女歸來看更紅。

出胎持素可憐蟲，眞法緣慳恨未通。有意天涯尋覺樹，無由身內制心鴻。參玄時歎人綱毀，禮佛低聞汝道窮。官寺回望唯俗骨，蓮華卻在絳雲中。

煤山詞

2014/8/18

眾口喧騰德已孤，蠅營此日到窮途。群趨汲汲朝廷黨，誰見錚錚里巷夫？國祚維艱虛一死，權閹雖戮控千都。遊魂餘孽滋天下，斗粟蒸民識得無？

甲午立秋作

眾芳雨后十分迷，三在枝梢七在泥。暑氣猶懸紅日上，涼風已過碧山西。時逢鵲渡歡難盡，客賦秋聲色轉淒。似慰他鄉無和者，蟬鳴遠近又高低。

讀杜老《秋興八首》有感

久淹漸識故園心，捧玉江干悟雅音。去國頻成開府賦，感時獨敞仲宣襟。似聞砧急舟如泣，未忍楓凋夜欲臨。回首京華同濺淚，戎車裘馬恨交侵。

讀國詩賽行卷贈扁舟詩友

祇知世絕性情人，一葉居然守樸淳。獨踏鯨波歌寂寞，回望欲界嘆沉淪。千狐蒲氏文偏古，八米盧郎淚不真。可否我隨風去後，也捐兩滴浥黃塵？

讀國詩賽行卷戲贈羅衷美

2014/8/31

注：贈羅君詩前六聯可與羅君“五星紅旗”，“佳人”，“夫子廟”，“遊泳”，“太空行”，“平居即事”六首詩同看。

紅日照旗紅又紅，佳人旗側哭歪風。廟前聖哲煙花裏，皮下脂肪火焰中。超載才華追黑洞，嘯天歌體有跟蟲。三年一別猶原地，刮目觀君十駕功。

讀國詩賽行卷戲贈顧青翎

顧子迷丹方半轉，群童已贊九牛毛。能翻國賊為高士，獨據邱園類土豪。富少虛張遺老像，南皮勝似北邙騷。誰知眾鬼偏持素，驚看真人啃剩螯。

讀國詩賽行卷戲贈韋散木兄

性同小寶姓同韋，卅載守真心事違。情繫關關春亂湧，竇開袞袞涕交揮。包廩總惹徐娘誘，擊鐸徒驚阮婦飛。高宴曲江難稱意，終須熊攬二喬歸。

憶幼時與父並肩搖櫓夜行作

2014/9/4

高低趁拍未容停，夜氣清舒櫓亦冷。入夢漁村無火燭，繞人衣角有金螢。岸邊蘆影連天看，腳底舟聲和水聽。近問何年何處去，笑云只記滿河星。

風花雪月四章•風

鯤亡鳩亦躡扶搖，勁掃甘棠已盡凋。不見袁宏舞仁扇，再無王粲泣幽寥。士氓草偃周公懼，卿佐尸陳漢祖驕。苹末非雌歸肉食，紅旗獵獵彩旗飄。

恭祝 52 诗友新春快乐

2015/1/7

余至吾爱，倏忽近二载矣。每与诗友神交，如得蓝田暖玉，诚人生之大快事。然余生性惫懒，疏于酬答，愧莫深焉。今于纽约恭祝众诗友新春快乐。事先发表，以免彼时没于诗海之中矣。

网上华章亦起烟，寻珠岂必赴蓝田。欣逢众友银屏里，早忘孤身碧海边。平日寡酬惭陋习，今朝赎罪祝新年。合家欢乐还安健，诗意人生每一天。

康州冬日杂咏

2015/1/13

寒冬亦有景如屏，寻胜何须满目青。试探后山冰峭峭，和吟前涧水泠泠。雪光常转随云舞，草色虽疏诱鸟停。若待夜阑霜尽落，抬头可见最遥星。

甲午不惑年初度歌

2015/1/23

去年的生日歌拖拉了几个月，今年提前两三个星期交卷。

疏冷無心陟嘯臺，陰晴臥看掌紋猜。青春今日真長往，玄宅他鄉屬未來。愁坐蝶魂潘鬢色，窮應蓬梗越吟才。江郎爭那從茲老，逢客唯矜得異孩。

删诗戏作

2015/1/30

鼠标如铡放狂开，心血当时尽化埃。岂是诸卿稍有过？应惭某乙太无才。于今暂请别诗集，不日须能至夜台。见得青莲论剑后，还魂入我梦中来。

美女效万楚体

靓姬靓靓靓如何？靓较古今中外多。轻坠薄衣时荡漾，缓行急走总婆娑。春山有意争喷火，怒海无由罢弄波。莫是嫦娥知见绌，铁心不愿世间过？

于纽约大学代课

2015/2/5

睽违师道已多年，谁料今生又执鞭。容异客星天外覩，兴高云屿海中悬。他时自悼充牛后，此夕群瞻立马前。归寝偶然惊岁月，旧徒四散不成眠。

偶作

2015/2/9

早将半截付冥冥，况得妻言入老龄。发白空怀兴国策，心灰转爱倒头经。众蝇气绝风中砾，几虎尸陈板上钉。梦里随人呼万岁，王孙执钺笑僇停。

代妻

2015/2/11

君似终风噎且霾，偶因闻嚏惠然来。水中抱柱须无恨，山麓藏娇最可哀。日射涧花红欲并，夜缠岩雨断难开。愿言每使兰心悔，自谴缘何拾弃孩。

有感中国近现代历史

2015/2/20

海门弃守陆疆沦，季世悲哀不可陈。终见虏庭亡玉玺，首逢禹域委倭人。闾墙谁替生灵计，问鼎都言主义真。蝇虎无边猖獗日，先驱遗志已全伸？

语纽约

诳我今生共白头，荒唐苟且四春秋。岂怜偃蹇居蜗室，每忍逍遥起鹤楼。侵晓呼来真似畜，及昏挥去不如仇。嗟君此等无情分，唯有寻机一纸休。

金正恩

圣朝岂有涪饥年，粉面油头只衍然。一姓江山荫莫莫，三军渠帅腹便便。像多不惧无人拜，影抖须悲众婢妍。簪笔近臣工语录，可知朝夕赴幽泉？

吊黄公度

梦里逢公富士山，樱花树下轸时艰。有歌动地催芽发，无力回天奈石顽。灼见今犹遭避忌，新词谁共叹斓斑。不堪更属赤旌世，乙丑诗篇尽被删。

于纽黑文过年

未伤节物异邦稀，自挂灯笼换彩衣。雪气寒增山色秀，糕香暗衬月光晖。欢言陋舍春如至，劝酒娇妻晕欲飞。最爱稚儿虽懵懂，也频拍手庆予归。

小儿十四个月学步

左甩皮球右扯筐，明明空手已郎当。每于墙角翻箱乐，偷入斋中咽纸忙。檀口洒涎香漠漠，珠喉壮胆志昂昂。人生跌倒知常事，卷土重来未或遑。

元宵节父生辰日于纽约逢雪

一从他岁食汤圆，已误趋庭十八年。雪坠独怀蟾魄碎，柑香拟共路人传。案前掷笔狂吟客，忆里张灯不夜天。欲寐家家偏舞铲，如挝如掺竞渊渊。

重读杨宪益《银翘集》

张口时将鸟语连，红楼乱译怪成篇。敲诗无益还敲鬼，出律偏夸未出千。名士有丸难解毒，夷姜同狱莫须天。官权党国曾排次，却摆良心第一先。

《重读聂绀弩》

弓背搓绳未有哀，江山草就我曹抬。秦皇汉武终脩脯，马勃牛溲是药材。几桶溷浇中外饱，千秋孽付鬼神猜。平生四脚常投地，屁眼看渠滚下来。

唐太宗

2015/9/9

兰成效作：指李世民《秋日敦庾信体》诗。

星剑彫弓百战身，兰成效作亦殊伦。矜怜宫妾随求偶，服念縲囚屡活人。能纳万言弘谏论，岂骄一妇死忠臣。三违泰岳生前恨，却得英名未造神。

九一八周年随感

2015/9/21

积弱沦于诉国联，人持刀俎莫尤天。引狼北地元为害，逐鹿中原竟自烟。旧寇藏锋安保法，新皇阅礼太平年。偏忧肉食无谟略，杞叟鰥鰥夜不眠。

乙未中秋感作

2015/9/27

《昭明文选》卷二十七〈诗戊·行旅下·晚登三山还望京邑〉：……馀霞散成绮，澄江静如练……有情知望乡，谁能镇不变？

轻云如绣夜如纱，乡国遥望散作霞。倚梓无风偏陨箨，染霜有我未还家。半生羁恨悬娥月，一曲商歌付露华。更忆故人音讯断，哪堪归雁入蒹葭。

二十余年后于纽约邂逅 W 君有感

2015/10/3

近日余于某餐馆就食，一女子惊呼余名。注视良久，不识，因报其名。余大愕。乃母校少年班 W 君也。熟睹之，则昔日羞颜未开之天才美女，已成风姿绰约之白领丽人矣。归后细辨，仍未能合诸旧日印象。思及旧事，感慨系之。因作。

初晤缘何早不知，惟惊菡萏下天池。名花今日真舒萼，朴樕当年尚绿枝。曾对樱桃心惴惴，每将芍药语迟迟。几多旧事成珠玉，散失罗敷未嫁时。

十三覃歌之炒股秘诀

2015/10/6

且任专家纸上谈，天时地利战方谙。莫持鸡肋情难舍，戒得蝇头语便酣。值市扶摇当用忍，见人颤栗大须贪。量低买入量高卖，不惧王孙有内参。

耶魯大學博物館內見商周瑚簋

2015/10/13

難問天朝與列強，劫餘依舊滯西洋。忍看玻罩青銅簋，遙想櫻唇紫蔗漿。銘刻淺深存古雅，鏽斑內外透淒涼。近前不敢低聲語，生恐聞音更憶鄉。

五言排律

登希臘邁泰奧拉有感

南村臨北觀，東客沐西風。不得神來筆，難描鬼化工。危崖低白日，曲蹬接琳宮。
古頂千年褐，新旗一點紅。鍾聲深淺裏，山色曉昏中。倦臥森林晚，驚眠宇宙窮。
人生當濟世，石固可銘功。昔士魂猶在，心當與我同。

注：

一 邁泰奧拉（希臘語：Μετέωρα，轉寫為 Metéora，意為“懸浮的石頭”，或“懸浮在空中”），是希臘東正教寺院最大和最重要的建築之一。六座寺院矗立在天然的砂巖支柱上。這些寺院在對土耳其獨立戰爭中起了重要作用。1988 年，邁泰奧拉被列入聯合國教科文組織世界遺產名錄，為自然和文化雙重遺產。

遊大提頓國家公園賦得十二韻

去國無期別，來園聊自悅。早秋天未涼，暘谷光如泄。遠眺長空窮，側聆曉籟徹。
天垠一列山，湖底萬年雪。清澗逐花飛，白雲沾浪滅。野牛爭莽原，禿鷲警危穴。
徑轉鐘聲傳，苔青人迹絕。暢遊鱗忘憂，陶遂竹持節。日落總傷情，林昏似喋血。
景無俗世喧，心有玉壺潔。此志雖勤勤，他鄉獨孑孑。最憐千里風，歸路共嗚咽。

憶新疆姑娘

君辭雲海來，迢遞雪山路。軀體自生香，肌膚猶著露。逢因月下醉，問但園中誤。
亂語縱衝動，感懷勞眷顧。水流當有思，花落良無負。苦勸高原遊，同吟西域賦。
驅羊覓夏草，信馬踏冬暮。學子愛真知，重洋求遠渡。一心難兩寄，十約不三赴。
去意與時堅，癡情對影付。長街柳帶淚，空港雨騰霧。別後未相聞，天涯只獨步。
莫非如倦客，仍是念歡故？愁緒誰人會，新家何處住？庭前秋夜風，塞外冰川樹。
俱抱萬千恨，幽幽豈可訴！

賦得我輩復登臨得臨字五言六韻

放眼皆秦鹿，登高復越吟。江山今我輩，氣象此初臨。足下商風急，天涯暮色侵。
蟬鳴悲落日，野莽羨歸禽。倦倦離人意，拳拳故友心。何當重一聚，颯爾共披襟。

紉秋蘭以為佩

未忍秋霖虐，摧蘭數葉離。滌污揚異馥，紉佩沁華滋。我慕平生潔，誰矜片物奇？
小人爭俗飾，雋彥重韶儀。營莫流芳芷，追思緬道師。懷沙荃不察，頌橘世翻疑。
欲致魂歸賦，難儔天問辭。滄浪今濁矣，撫蕙與君期。

樂府

獨不見

文偕東晉滅，詩入晚唐無。遂使千餘載，重悲絕抒途。遊雲愁意盡，落日別情枯。之子獨不見，殘杯同向隅。

遊子吟 男兒志四方

男兒志四方，慷慨越重洋。輾轉十余載，始知憶故鄉。鄉遠不可憶，憶鄉淚沾裳。別時無情雨，此夜又茫茫。

子夜吳歌四首

三年與儂違，西園又芳菲。東風恨無翼，不得載君歸。

促織鳴夜長，吳越摘桃忙。欲待遠人歸，敷油棉中藏。

涼風從西來，今日及此處。中有吳谷香，間雜紅薯蕷。

雲起吳天末，寒冰傷契闊。風面利如刀，心頭痛如割。

日居月諸

日居月諸，黃鍾傾乎？世人選樂，鼙鼓衡之。瓦釜雷鳴，不可更之。川犬也笑，戚施為卿。

日居月諸，正儀死乎？世人擇美，盲瞽視之。佻傚獨紫，不可止之。鸞鳥也歿，戚施居祀。

日居月諸，斯文末乎？世人取士，無德奪之。亂象曷已，不可撥之。歌者也逝，戚施在碣。

善哉行八解 來日大難 其一 不得其死

來日大難，不得其死。妻離子散，朝遷夕徙。
散髮跣足，老犬不齒。鳶肩偃背，駑駘俯視。
匍匐局躅，又疥且痔。貧賤醜惡，羣囚負恥。
力士攜我，徇罰諸市。梟首示眾，屍忽悚峙。
嗚呼哀哉，難在魘裏。魘裏生恨，恨自心起。
苟活懷怨，苦嘆不已。念彼冤氣，髮盡上指。
比干剖心，義不顧己。屈原懷沙，豈獨失士？
慘淡不平，千古如此。慷慨男兒，存志則喜！

善哉行八解 來日大難 其二 不得其時

來日大難，不得其時。日月列陳，星辰差池。
困頓襤褸，莫辨華夷。雙跪賣馬，人賤物卑。
晨昏無衣，與犬謀皮。饕餮不繼，斧冰充饑。
將登燕臺，驟染癘疵。欲之長安，忽遇熊羆。
幸甚至哉，難在憂思。思裏有憾，其憾難追。
苟活存哀，乃賦此詩。思彼逝者，九泉有知。
項羽取義，良駒不離。諸葛出祁，遺恨在茲。
時不我遇，千古一悲。但歸南山，且蘭且芝。

善哉行 古道有高槐

古道有高槐，衝天幾欲接。炎炎烈日晞，郁郁長梢曄。倦鳥紛停暝，離人止踐躅。
常憂遮不嚴，努力展枝葉。

詞曲

【踏莎行】客居纽约

车马纷嚣，砧钢遍布。烦城不见娱心处。云围雾锁冷沉沉，谁怜落日载然去。

爱恨如烟，功名似露，他乡频作登楼赋。蝉嘶莺啭映春波，梦中无限江南树。

【西江月】红叶

难寐今宵月夜，乱翻旧日情笺。一枚红叶落身前，勾起伤怀无限。

纤脉依然妩丽，荣光照样殷鲜。秋枫无语在窗边，只是佳人不见。

【南吕·四块玉】春来

百草疏，群花败，放眼河山遍枯槐，怎有人会把秋风爱？叶尽衰，客正哀，天哪春快来！

堆雪人，聆冬籁，最爱乾坤尽皑皑，那梅花怒放瑶窗外。信美乎，真快哉，只求春莫来！

蝶不乖，蜂胡采，厌倦东风百花歪，恨太多燕雀都成害。山铁青，水惨白，不意春竟来！

草不抬，花应坏，酷暑炎炎最难挨，纵有钱逝景如何买？口太干，眼尽白，几时春再来！

【滿江紅】喜聞遼寧號服役

怒浪驚濤，海盡處，威名遠蹈。正今日，揚眉吐氣，挺胸長嘯。萬里河山傳喜報，中華兒女齊歡笑。九州沸，聽億眾高呼，遼寧號。

天浩浩，雲渺渺。橫海纛，擎天炮。更捷如雷動，勢逾風掃。護國鐵軍正虎躍，跳梁小醜休胡鬧。如鼠串，尙睡眠惺鬆，天兵到。

【紅情】紅情賦紅蓮

瑤波澄澈，是誰人不寐，自憐孤潔。熠熠寒空，清漢星光正如泄。何況淒風乍起，水中蕩，田田涼葉。一瓣瓣，更有誰知，都染杜鵑血。

冷月，正孑孑。恨這般薄緣，難得來蝶，未曾見雪，無處傾懷只凝噎。自問芳華難久，何時能，兩廂愉悅。卻還怕，情重後，又成決裂。

【臨江仙】反貪有感

九州千年几包公？休期打虎英雄！官兼政法禍無窮。治標除腐，過隙立成空。

行賄溜須還拍馬，哀民爭作幫凶！漫歌功德早成風。皇權遺毒，各自問心中。

【浣溪沙】不惑年生日戲作

2015/2/10

不惑果然尷尬年，乍悲乍喜一时间，矧茲忽雪忽晴天。

老樹綻花容易見，少陵四十解詩篇，須云游子已超前。

【中吕·朝天子】曲苑小插曲

[过客]

版主！版主！今个有怪事瞧您诉。
俺先前大作《醋葫芦》，那可真是千金赋。
人念了人惊，天听了天妒，岂不远胜甚么司马如？
问汝！问汝！加精怎把骊珠误？

[版主]

我吐！我吐！还真能乱搅油和醋。
且不提平仄太糊涂，只那白字如何恕？
明看是黄犊，狂称是白鹭，何不算算曾读几本书？
恶补！恶补！告你方是光明路！

【双调·折桂令】时光

到老来、忽惜时光。欲惜时光，怎惜时光？
已四体僵僵，六神恍恍，两鬓苍苍。
看镜前、颜殊意伤。剩梦中、年少情狂。
曾插野花黄，追彩蝶忙，比昼眠长，矜粉笺香。

【中吕·上小楼】山上苗

你欺瞒了日华，你滥充着高大。
你倚仗着能爬，遮死了春芽，遮败了秋花。
你尽管夸！风会刮，雪终来压！
恁时候，再看你称霸！

【中吕·山坡羊】三国尾声叹

周郎行诈，东风翻卦，枭雄一战都称霸。

据穷峡，守低洼，还不如曹魏平天下，免使得儿孙成笑话。
蜀，只爱耍；吴，只爱杀。

【双调·水仙子】纽约春节上班

晨开冲雪上咱的班，零下十三真那个寒。
新春贺岁春何在，须笑金羊只太赶！
苦的是赚钱难，乐的是熬过了年关。
哎！妻儿盼，父母单，且谎报个事业如竿！

【双调·落梅风】约人

夕阳下，自个傻，只怪那，雨晴翻卦。
见黄鸭，抓起泥巴去打。
却低头，捏将美人身架。